



# 中國大事記



一月 二十日

●司法部擬定銷燬前清制錢罪刑……司法部因京師抄獲奸商鑄化大宗制錢。並以近來奸民銷燬制錢之案。各地屢經發見。而暫行新刑律。並無處罪專條。若不設法禁止。市面必受其害。特擬定嗣後除官廳收買外。有銷燬前清制錢十千以上。或雖未及十千。而銷燬不止一次者。處一等至三等有期徒刑。其將前清制錢剪邊圖利者。處四等有期徒刑。俟修正刑法公布後。失其効力。奉批准如所擬辦理。

●雲南軍入欽州……雲南宣告獨立後。即遣軍入川。連奪橫江渡燕子坡柏樹溪等要塞。進逼欽州。守將伍祥禎。於本日向自流井退却。滇軍遂入欽城。

同 二十一日

●准龍建章奏請收回封爵成命……貴州巡按使龍建章奏續懇收回封爵成命。奉批准如所請。

同 二十三日

●交通部奏改京張張綏鐵路為京綏鐵路……交通部奏。京張鐵路。業已通車有年。嗣以由張家口展築至綏遠一綫。亦歸京張路局兼辦。原不欲多設機關。致增糜費。惟事雖兼辦。帳仍劃分。緣京張路係營業時期。張綏係建築時期。帳目未便混合。是以名稱仍係京張張綏。以清界限而符事實。比者張綏一綫。已築至豐鎮。客貨列車。先後通行。是由張家口至豐鎮一段。已由工程時期進而為營業時期。當可與京張同一辦法。茲特將京張張綏兩路合併。定名曰京綏鐵路。於本年一月一日實行。以期管理上及會計上較為便利。至由豐鎮至綏遠一段。工事現既停滯。應俟將來建築告竣。再行歸入營業帳上等語。奉批令悉。

●日本海軍中將奉命來華……日本海軍中將青木氏。奉本國政府命令來華。係為考察中國時局及調查德國在華間諜之活動云。

同 二十四日

●四川添設川邊道尹……四川巡按使陳宦。請於川邊地方設置

30606

道尹一缺。經內務財政兩部會議具奏。以川邊地方。遠在西陲。所轄三十餘縣。面積遼闊。番漢雜居。軍務初平。撫治尤亟。從前該處歷經置有兩道。分轄各縣。此次規復舊制。劃分權責。自宜合併爲治。擬准其添設道尹一員。定名川邊道。暫治康定縣。並按照綏遠熱河兩特別區域成案。將該道定爲邊要缺。列入一等。惟該區財政。素稱竭蹶。專設道尹。經費不免稍巨。擬由該道尹兼理川邊財政分廳廳長。奉批如議照准。

●財政部奏改漢陽新關爲新隄關……漢陽關在明清時代。因設在漢陽府屬之新隄。關務爲漢陽府所兼管。故名漢陽新關。現在府治改爲縣治。離設關之新隄。計三百六十里之遙。且各處寄來文件。往往先遞漢陽。轉至新隄。輾轉稽延。在所不免。經該關監督杜光佑詳請財政部。擬改爲湖北新隄新關。財政部復以該關自前清咸豐七年由監利縣越市移設新隄。爲時已久。新關字樣。已不適用。核其性質。本與內地常關相同。奏請改名爲新隄關。以符名實。奉批如擬辦理。

●農商部奏准改江西廬山森林局爲官商合辦林業股份有限公司……江西廬山森林局。自前清宣統元年。由省設立。現因經費不敷。本省財政困難。不能再增款項。由該局督辦詳請財政部。請將局改爲廬山林業股份有限公司。集股五十萬元。由官商合辦。贛省認十六萬四千元。作爲優先官股。此外概招商股。並請將以前計畫區域繼續有效。經農商部據詳覆核。奏請允准。

同 二十五日

●申令各將軍及統兵大員進剿滇軍…… 下略

●黑龍江索倫山大火……黑龍江索倫山。因蒙人游獵放火。遂致延燒。火勢蔓延五六百里。直入奉省洮南境內。三日始滅。蒙人布包牲畜牧場秧草。均付一炬。受災甚重。

同 二十六日

●申令陸軍第十一師改爲陸軍第九師  
●公布洪憲元年度路電郵航四政特別會計預算……預算見次期法令門。

同 二十七日

●復設蘇常鎮守使陝北鎮守使員缺  
●公布文官高等考試令施行細則外交官領事官考試令施行細則司法官考試令施行細則文官普通考試令施行細則學績試驗條例施行細則……細則見次期法令門。  
●劉顯世等宣告貴州獨立……貴州護軍使劉顯世。於唐繼堯在雲南宣告獨立後。即密與聯絡。近日遂宣告貴州獨立。贊助雲南。與中央脫離關係。並派兵入湘。

同 二十八日

●惠州事平策令加龍濟光郡王銜並獎在事出力各員……策令龍濟光張鳴岐先後電奏。據惠州清鄉督辦李嘉品等迭次報稱。

潛至惠州。句結惠陽博羅各縣會衆。號稱萬人。突犯淡水。

另以大股分擾。圖奪惠州。當經督飭陸軍營長盧華龍李卓。率兵圍攻淡水柏塘兩股巨匪。以少擊衆。格斃司令黃飛龍。生擒

龍蚤夜躡追。擊斃先鋒鄭玉齡暨悍匪多名。他路股匪。均望

風四竄。其大股潰匪。竄至博羅巖子窩老巢暨蒲田嶺地方。復

經統領成國學營長鍾子澐。迎追痛擊。斃其臨陣頭目。攻破匪

巢。各軍分道窮追。搜獲零匪多名。現在均已肅清。

仍督飭營縣清辦善後。所有在事出力各員。懇請擇尤給予獎敘等語。此次

分路齊發。勢甚鷓張。經官軍先時戒備。將士爭先力戰。節節

掃盪。將會衆頭目。次第擒滅。各路股匪。一律肅清。悉由龍

濟光張鳴岐布置周密。調度有方。各將士忠勇奮發。用能奏茲

殊績。鋤亂安民。深堪嘉許。除兵丁業經頒給賞銀外。龍濟光

著加郡王銜。張鳴岐給予一等文虎章。所有在事出力各員。應

准優予獎敘。以彰勞勩。惠州清鄉督辦高雷鎮守使李嘉品。特

封爲一等男。段爾源著升授陸軍中將。李恩賜給予三等文虎章。

成國學升授陸軍少將。黃業興加陸軍少將銜。盧華龍升授陸軍

30607

步兵上校。並加少將銜。鍾子澐李文臣木振華郭恢唐。均升授

陸軍步兵上校。李卓升授陸軍步兵中校。並加上校銜。其餘請獎文武各員。一併照准。交內務陸軍兩部暨政事堂銓敘局查照辦理。此令。

二月 一日

●公布著作權法註冊程序及規費施行細則……細則見次期法令門。

●公布商會法施行細則……細則見次期法令門。

同 二日

●公布修正勸業令……令見次期法令門。

同 三日

●農商部奏准中央及地方農事試驗場聯合辦法……農商部爲中央及地方農事試驗場互相聯絡起見。特擬訂聯合辦法七條。奏請核准。(辦法見次期法令門)

●黔軍入湖南晃縣……貴州與雲南聯絡後。遣師入湘。本日。佔晃縣。進逼沅州。

同 六日

●滇軍攻襲瀘州……四川師長劉存厚。前被派率兵防守永寧。遂附入滇軍。並以所部士卒。攻襲瀘州。

同 七日

●廣東黨人圖襲石湖兵工廠……黨人朱執信等。本日率衆四千餘人。攻襲廣東番禺縣屬石湖村附近之兵工廠。經該省派兵前往擊散。團長田春發營長吳仲明等陣亡。

30608

同 八日

●特任龍觀光爲臨武將軍

●特任龍觀光爲雲南查辦使

●申令貴州護軍使劉顯世先行開缺聽候查辦

同 十日

●黔軍進逼渝邊……自滇軍入川邊後。北軍急赴瀘敘援救。黔軍遂乘虛進攻渝邊。圍綦江縣。

同 十一日

●司法部奏准增訂易答條例第四條……易答條例施行後。已及年餘。現司法部以犯罪者適於易答與否。其情形往往非一時所能知悉。第四條規定於宣告本刑或易監禁刑時。並時宣告。實行上頗多窒礙。奏請於第四條下添加「但有特別情形時。得依檢察官之聲請。隨時補充裁判宣告易答。」數語。奉批照准。

同 十二日

●申令直隸河南山東等省將軍巡按使查確鹽……申令財政總長

兼鹽務署督辦周學熙。奏稱直隸河南山東等省。硝鹽充斥。妨害縫網。擬請責成地方官協同查緝。以維國稅等語。鹽稅爲國家收入大宗。緝私平池。實爲治鹽之要義。淋晒硝鹽。本非政令所許。若任聽人民就逸避勞。不務本業。勢必硝私日旺。正課有虧。於財政殊有關係。著直隸河南山東等省將軍巡按使。轉飭產硝區域。該管營縣。偵緝查禁。不分畛域。一面仿照直隸舊日辦法。就土性所宜。民情所近。將耕荒工藝兩端。切實提倡。務使鹽民自食其力。改業有資。國計民生。統籌兼顧。如辦有成效。並准將出力人員。咨部奏獎。以示鼓勵。此令。

●准開奉省錦縣爲商埠……申令兼署奉天巡按使段芝貴奏稱。奉省錦縣。扼榆奉路線中樞。氣候溫和。人物富庶。實爲天府膏腴。請以該縣爲自開商埠等語。係爲發達地方振興實業起見。應即准予照辦。著由外交內務農商各部。商同該巡按使遴派專員。詳晰勘辦。以興商務。此令。

